

23 сентябре
1941 ар
№ 74 (219)

Номерлэн дуныз 5 коп.

ВЫЛЬ УЛОН

3-ти АРЭЭ ПОТЭ

ВКП(б)-лэн УАССР-ысь
Понино Райкомезлэн
но Райсоветлэн
органы.

КЫН УЛЭ ГЫРОНЛЫ НИМЫСЬТЫЗ ВНИМАНИЕ ВИСЬЯНО

Буоно арын юослэн выль удалтонлыксы понна нюр'яскон сйзылысен ик кутске. Выль удалтонлыкес бастонлэн основаосыз пöлысь одигеныз, тужгес ик важноен луэ кын улэ гырон. Кын улэ гыронлэн макем бадзым значениз котыкинлы тодмо. Соин ик одигэ гинэ верано луэ, что али, ку быдэс странами германской фашизмлы пумит великой отечественной война нуэ, буоно урожай понна скомасконэз но нюр'ясконэз но кнöнялы нэ кулэстытэк, та пумысен земельной орган'еслэн, МТС-лэн но колхоз'еслэн азязы уката ик бадзым ответственность пуксе.

Асьмелэн неотложной задачи — буоно арын выль урожай бастонэз но странамес нянен но мукет сельскохозяйственной продукции обеспечить карыны. Озы бере валамон луэ буоно арын юослэс зеч удалтэмэс бастон понна макем кулэ каре кын улэ гыронэз дырыз дыр'я быдэстонэз.

Озы ке но районамы кын улэ гырон, куд-ог колхоз'есты вератэк, туж ляб орчытйське. 20 сентябрьлы быдэсак 3 процентлы гинэ кын луэ гыремын. Нимыстыз сельсовет'ес'я чидантэм ляб ужпум Бадзымшурской, Богатырской но Понинской сельсовет'есысь колхоз'есын. Туэ арын кын улэ гыронэз тужгес ик асьсэлэн колхоз'еслэн кужым'есынызы орчытыны кулэ. Озы ке но колхоз'есын тырмыт тягловой кужым луыса но, трактор'есын гыремез витыса уло.

Лызэ бастоно, что кын улэ гыронэз быдэстон дыр'ес кыдекин өвöл. Соин ик та ужлы нимыстыз внимание вис'яно. Та важнейшой ужлы озы ик бадзым внимание вис'яно луо партийной но советской организациос. Колхоз'есын ю октон-калтонлэс ваньмем ужась но тягловой кужымез кын улэ гырон вылэ пуктоно. Та пумысен МТС, аслэстыз машинаоссе уже шонер кутонэз обеспечить карыса, бадзым юрттэт сёгыны быгатоз. Трактор'есэ нуназе ю октон-калтонын ужатыса, уин нош кын улэ гыронин использовать карыса.

Соин чöш ик юослэс удалтонлыкэс жутонын тужгес ик бадзым значение бастэ удобренности уже кутыса. Али складын трос дуно удобренности кылле. Озы ке но соосты ворттон борды колхоз'ес өз кутскылэ на.

Буоно арын юослэс выль удалтонлыкэс обеспечить карон — сыче луыны кулэ задача котыкуд колхозлэн, колхозниклэн, колхозницалэн но районыстымы вань общественностьлэн.

СОВЕТСКОЙ ИНФОРМБЮРОЛЭСЬ

(18-тй сентябре жыт ивортон)

18 сентябрь чöже асьме войскаос тушмонлы пумит жугиськызы быдэс фронтын. Асьме авиация шуккет'ес лэстылйз тушмонлэн мотомехчастысьыз вылэ, пехотасз но артиллерияз вылэ, солэн аэродром'есыстыз авиацияз атаковать кариз. 16 сентябрь чöже омырын жугиськыны но тушмонлэн аэродром'есыстыз 112 немецкой самолет'ес быдтэм. Асьме ыштон'ес 29 самолет.

КИЕВ ДОРЫН ОЖЕСТОЧЕННОЙ ЖУГИСЬКОН'ЕС

Бöрысь нунал'ес чöже Киев дорын кужмо жугиськонт'ес мыно. Фашистско немецкой войскаос, калыксэ но вооруженизэ трос ыштон'есын ляд'ясыктэк, жугиськонт'ес ялан выль но выль частысьеэ куя Тушмонлы киевской обороналэс одиг участокэ чигыны кылдиз но городлэн пумаз пырыз. Кужмо жугиськонт'ес мыно.

ГИТЛЕРОВЕЦ'ЕСЛЭН ЖУЛЕРНИЦЕСТВОЗЫ

16 сентябре Советской Информбюро ивортиз немецко-фашистской десантэз пазьгон сярэс, кудиз Эзель островез бастыны меде вал но та операциян кбня ке немецкой суднаосты вйтэмзы сярэс. 17 сентябре гитлеровец'ес Советской информбюролэс ивортонэз опровергнути карыны понна тумшо супыльтон лэстылйз, что „германской армия ноку но островез бастыны өз туртскылы на, малы ке шуоно, германской командование отысь но кыч'е куд'ясыконт'ес уг адзы“.

Та сярэс верано луэ, что гитлеровец'ес туртско вид лэстыны, что 13 но 15 сентябрь чöже туэ арын асьсэлэс 4 транспортсылэс, 80 катер'еслэс но войскаен но вооружениен шлюпкаоссэс, 1 эсминецсэс, Советской морской вооруженной кужымен вйтэмзы но кбня ке эсминец'есты но транспортыз повредить каремын, соос өз шöдылэ шыса. Озы ик гитлеровец'ес Эзель островез бастыны туртскыкузы асьсэлэн 15.000 десантной войскаоссылэс ышемэс,

куд'есэ советской войскаос быдтйзы, шöдылмтэ улэ карыско.

Валамон луэ, что асьме ивортонэз фашистской „опровержение“ немецкой населенилэс но быдэс дунне выль общественной мненилэс Эзель остров вылэ десантэс пуэтыны туртскыкузы фашист'еслэс бадзым ыштон'есэс ватыны понна жульнической попыткаен луэ.

* * *

Итальянской радио очередной утка лэзиз советской самолет'еслэн Южной Добруджи доры вуылэмзы сярэс. Соку советской самолет'ес Болгариялэн территории вылаз ог'я ляд'яса 6 парашютист'есты, пе, лэзизы. „Соос соку ик болгарской войскаосын котыртымн вал но вакчик но кужмо нюр'яскем бере виемын вал“ — вера итальянской радио. Итальянской радио-пöйлялэс'ес малпазы шедьтыны быдэс жугиськонт'ес „болгарской войскаослэс 6 советской парашютист'есын, жугиськонт'ес, кудаз „кужмо нюр'ясконт'ес“ но „котыртонт'ес“ уж но кызы но өз орчты.

Доказывать карыны кулэ өвöл, что Советской Союз Болгарие аслэстыз самолет'есэ но парашютист'есэ өз мсыя но мсыяны өз быгаты, что та римской радиолэн провокационной выдумкаез солэс автор'есэ тумшо но гаупдй положение пуэтэ.

* * *

Фронтолэн Северо-Западной направлениян участок'есыз пöлысь одигез асьме артиллериялэн тылэныз тушмонлэн 8 танкэс, 8 бронеавтомобилез но 30 грузовой автомашинаосыз быдтэмн вал. Мукет участокын асьме войскаос тушмонлэс 12 танкэс, 15 бронеавтомобилэс, 6 грузовик'есэ быдтйзы, зенитной артиллериялэс 6 точказэ нюртйзы.

* * *

Та бöрысь нунал'есы Баренцовой мораны тушмонлэн вйтэмзы бадзымез транспорт'есыз трос немецкой солдат'есын но вооружениен. Возматогч'ес'я одигез бадзым транспорт,

кудиз 6-тй горной дивизиес выжытэ вал Нарвикисен Киркенексэ скорес вылын торпедировать каремын вал. Личной составлэн бадзым лжетэз но вань оружис вйтэмзы. Мукет транспортн, кудиз та скорес вылын ик торпедировать каремын вал, 800 немецкой солдат'ес но офицер'ес пöлысь 8 мурт гинэ быронлэс мозмытсеизы.

* * *

Фронтолэн Юго-Западной направлениян Гладенко лейтенантлэн звенез немецкой мотомехчастез атаковать кариз. Тушмонлэн зенитной артиллерияз звенелэн командирэслэс самолетэс сутйз. Отважной советской летчик машиназэ чöшатйз но сое направить кариз Сейма шур вамен немец'есын тупатым выж вылэ. Выж вылын сылйсь танк'ес но автомашинаос тушмонлэн пехотаеныз шуре усизы. Аслаз героической азискөнэныз Гладенко эш тушмонлэн войскаосызлэс азылань мынонэс жөгатыз.

Граница сьöрын

ИРАНЛЭН ВЫЛЬ ШАХЕНЫЗ ПРИСЯГА ПРИНЯТЬ КАРОН

ТЕГЕРАН, 18 сентябре (ТАСС). Толон жыгазе меджлислэн залаз Иранлэн выль шахеныз Мохаммед Реза Пехлевиен присяга принять карон церемония орчиз.

ИРАНЫН ПОЛИТИЧЕСКОЙ ЗАКЛЮЧЕННОЙ'ЕСТЫ ЛЭЗЭН

НЬЮ-ЙОРК, 18 сентябре (ТАСС). Ассошвейтед пресс агенстволэн телеграфной корреспондентэслэн ивортэмез'я, Иранлэн выль шахез трос лядо видной политической заключенной'есты лэзиз, куд'есыз пöлын луэ азылвы военной министр Нахидживанни генерал, кудиз талэс азылвы шахен тюрьмае пуктэмн вал.

Красной Армиялэн высшой начальствующей составез- лы воинской званиос сётон сярэс

СССР-лэн Народной Комиссар'есыслэн Советсылэн Постановлениез

СССР-лэн Народной Комиссар'есыслэн Советсы пунктэ: Военно - Морской Флотлэн высшой начальствующей составысьыз та'еосызылзы воинской званиос сётоно, куд'есыз тупатымын СССР-лэн Верховной Советэслэн Президиумезлэн 1940 арын 7 мае поттэм Указэныз.

ВИЦЕ-АДМИРАЛЛЭСЬ ЗВАНИЗЗ:

Головко Арсений Григорьевичлы,

Дрозд Валентин Петровичлы,

Ралль Юрий Федоровичлы.

БЕРЕГОВОЙ ОЛУЖБАЛЭН ГЕНЕРАЛ-ЛЕЙТЕНАНТЭЗЛЭСЬ

ЗВАНИЗЗ:

Елисеев Алексей Борисовичлы,

Кабанов Сергей Ивановичлы.

КОНТР-АДМИРАЛЛЭСЬ ЗВАНИЗЗ:

Горшков Сергей Георгиевичлы,

Фролов Александр Сергеевичлы,

Хорошхин Борис Владимировичлы,

Чистосерддов Вадим Васильевичлы.

БЕРЕГОВОЙ СЛУЖБАЛЭН ГЕНЕРАЛ-МАЙОРЕЗЛЭСЬ

ЗВАНИЗЗ:

Лаковников Павел Ивановичлы,

Парафило Терентий Михайловичлы.

СССР-лэн Народной Комиссар'есыслэн Советсылэн Председателез И. Сталин.

СССР-лэн Совнаркомезлэн уж'есыныз управляющий Я. ЧАДАЕВ.

Москва, Кремль. 16 сентябрь, 1941 ар.

Отечественной войналэн геройёсыз



ПАЛ'ЯНЫСЕН БУРЕ: 1. Советской Союзлэн Героез летчик-истребитель младшой лейтенант В. В. Талалахин. Со геройской атаковать но протаранить кариз „Хейнкель 111“ фашистской бомбардировщикез, кудиз туртске вал Москва доры чуртнаскыны. 2. Дун'яны дуонтэм трос услугаосты возматйз Н-ской частью медсестра Е. П. Ершова. Со кышкатэк-мынылйз тушмонлэн мур интыосаз но тодылйз ваньэз ма кулэ. Сарафан дйса, Ершова вуылйз тушмонлэн бастэм деревнясы, пыраллаз хатаосы но тушмонлэн войскаосылэн составез но кужымез сярэс важной сведениос октылйз. Храброй разведчица Красное знамя орденэн наградиать каремын. 3. Капитан В. И. Матвеев. Германской фашизмен нюр'яскон фронтын Командованилэс боевой заданиос образцово быдэстэмэз понна но со дыре отвагаз но геройствоэз возматэмэз понна солды Советской Союзлэн Героезлэс званизэ присвоить каремын. ТАСС-лэн фотохроникаез.

Летчиклы капитанлы Б. Ф. Сафоновлы Советской Союзлэн Героезлэс нимзэ сётон сярэс

СССР-лэн Верховной Советэслэн Президиумезлэн УКАЗЭЗ

Германской фашизмлы пумит нюр'яскон фронтын командованилэс боевой заданиос образцово быдэс'ямез понна но соку отвагаз но геройствоэз возматэмэз понна ЛЕНИН ОРДЕН но „ЗАРИИ ЗВЕЗДА“ медаль сётыса, СОВЕТСКОЙ СОЮЗЛЭИ ГЕРОЕЗЛЭСЬ нимзэ сётоно летчиклы капитанлы САФОНОВ Борис Феоктистовичлы.

СССР лэн Верховной Советэслэн Президиумезлэн Председателез М. Калинин.

СССР-лэн Верховной Советэслэн Президиумезлэн Секретарез А. Горкин.

Москва, Кремль. 16 сентябрь, 1941 ар.

Военной дырлэн жоглынъесыныз

Отечественной война лэн нунал'эсаз, вань советской калык асьсэлэсь ужэс страна мылэсь обороназэ юнматонлы подчинить каризы. Колхозник'эс но колхозницаос неномырен ляд'яскытэк луд уж'эсты выль ужазинлык'эсын ортыто.

Адамской сельсоветысь Кировлэн нимыныз нимама колхоз кылем ар'эсы, бере кылысь колхозэн ляд'яскылйз. Али нош со вылаучкытэк, что тросэз колхозник'эс Рабоче-Крестьянской Красной Армии кошкызы, колхозын вань уж'эс военной дырлэн куремез'я ортыт'яско.

Колхозлэн правлениез но вань колхозник'эс азе бад'зым ужпум султйз: колхоз азын вань сыл'ясь уж'эсты кылем кужымен вачи дыр'эсы но азинлыко быдэстыны. Ужась кужымеэ шонер пуктон вамен но колхозник'эслэн самоотверженно ужаменызы бере кылысь колхоз, туэ нырысетй радэ потйз. Кировлэн нимыныз нимама колхоз дырыз дыр'я этйн тышканзэ но вольдонзэ быдэстйз. Азинлыкомынэ юэз кабанэ люкан, кутсан но сөе государствоы сдать карон. Та нунал'эсы тросэз колхозник'эс кын улэ гыронн ужало. Ужаны быгатйсь колхозник'эс пöльсы 15—20 колхозник'эс нормаоссэс котыку но мултэсэн быдэ'яло. Ю октон-калтонн колхозник'эс но колхозницаос умой показательэсты возматйзы. Колхозницаос Максимова Евдокия Степановна культу керт-

тылонн 0,50 га норма, та 0,84—0,90 гектар вылысь керттылйз. Максимова Анисия Гаврилловна 0,94 га гектар вылысь керттылыса вуылйз, Максимова Мария Павловна озы ик 0,80—0,90 гектар вылысь керттылиз.

Максимов Михаил Алексеевич аран машинаен ужас. Со 4 гектар норма интйе, 5,5 но 6 гектар вылысь аралляз. Таос кадь ик мукет'эсыз но колхозник'эс умой ужало.

—Колхозлы бад'зым юрттэт сёлйз МТС,—шуэ колхозлэн председателез Максимов Гаврил Васильевич. Южной комбайнэн ужась комбайнер Богданов Василий Павлович колхозын 143 гектар зерновойэсты октйз калтйз. Богданов эш МТС-лэн тужгес ик умой комбайнереныз ляд'яске. Норма 8 гектар интйе, та котыкуд нуналэ 15—16 гектар октылйз—калтылйз. Ю октон-калтонн но кутсаськонн асьсэлэсь умой ужамзэс одйгетй полеводческой бригадысь ужасьэс возматйзы. Та бригада ю октонзэ-калтонзэ ваньмылэсь азыл быдэстйз. Бригадалэн бригадирез Максимова Елизавета Николаевна бригадаеныз быгатыса кивалтэ.

Та дыре колхозник'эс бад'зым жутсконэн боец'эслы подарок'эс люкан котыре кутскизы. Колхозник'эс трос люказы ни ыжгон, ыжку, носки, пöзь но мукет подарок'эс.

И. Н. Филиппов.



Боецлэн гожтэтэз

Редакциями Н-ской частысь боецлэн К. И. Волковлэн гожтэтэз пултэз вуиз. Слудской НСШ-ын дышетйсь К. И. Волков ас дышетон удьсаз умой ужалыз. Вань тодонлыкэ та пинал'эслы сётыны туртскылйз. Вуиз дыр, Волков эш Рабоче-Крестьянской Красной Армии кошкыз. Али та кияз оружиен родинамес возма Аслаз гожтэтэз Волков эш районыстымы вань дышетйсьэслы но дышетскисьэслы вазиське.

Та гожтэ: „Али мон госпитальн кыллысько. Жоген нош ик фронтэ кошкисько. Мон, советский боец вань кужымме поныса фашист'эсын жугисько, нош кулэ ке луиз яратоно родинае понна улонме но сёто. Нош тй советской дышетйсьэс вань калыклы фронтэз юнматыны юрттэ. Будйсь дышеткись пинал'эсты, котыкычэ наукаосты шонер но мур тодыны но соослы коммунистической воспитание тырмыт сётыны быгатон луиськоды. Со сяна дышетйсьэс али колхозник'эслы ю октон-калтонн юрттоно луо Вань колхозник'эслы но колхозницаослы валамон кылын валэктоно—мар вае крестьянствоы но вань трудящийся калыклы фашизм. Гурт'эсын агитационно массовой уез, азыло ик тй нуоно луиськоды.

Нош тйляд пинал'эс, отлично дышетскемды но колхоз ужын ужамды, страналы бад'зым юрттэт сётэ. Тйляд дисциплинированной луэмды но отлично дышетскемды германской фашизмлы отпорной шуккет луэ“.

Районыстымы дышетйсьэс К. И. Волковлэн гожтэтэз пултэз таке гожтэт лэзэ.

„Дуно Константин Иосифович! Районыстымы заведующийёслэн но директор'эслэн совещаниязы ми тйлесытыд письмодэс лядзимы. Понино районысь вань дышетйсьэслэсь но дышетскисьэслэсь тйледэз чакылан келяськомы Тросэз дышетйсьэс, куд'эсыныз чош тй ужады, тйледды умой дышетйсен луэмдэс тодазы ваё.

Константин Иосифович! Оскелэ, что Понино районысь дышетйсьэс фронт понна ваньзэ лэстызы, мар быгато. Туэ арын ми котыкуд ар'эслэсь но дышетскисьэслы умой тодонлык сётон котырын ужалом. Милям дышетйсьэсмы али трос уж'эсын ужаны вуо: Школаын пинал'эсты дышетэм бере, колхоз луд вылын но кужмо ужаськомы на. Тросэз дышетйсьэс колхоз уж'эсын нормаоссэс мултэсэн быдэ'яло. Озы ик дышетйсьэс агитационно массовой уез нуон котырын но умой ужало. Котыкудйз дышетйсь дась котыгуннэ фронтэ кошкыны, ас родинамес киосазы оружиен возманы.

Районыстымы дышеткисьэс но кыл сётйзы, дисциплиназэс эшшо но жутыны, „хорошолы“ но „отличнолы“ гинэ дышеткыны.

Жоггес каттыськелэ! Фронтэ мыныса эшшо но фашист'эсты лек жуге. Н-ской частысьтыды, вань боец'эслы милэстым эчкылан вералэ!

Районыстымы дышетйсьэслэн нимынызы гожтйськызы: К. Ф. Волков, П. С. Жуйков но Т. В. Ворончихина.

Боец'эслы фронтэ шунит дйсь сётомы

Районамы колхоз'эсын, учреждениосын но школаосын боец'эслы шунит дйсь люкан ялам будэ. Слудской сельсоветысь „Красная Слудка“ колхоз боец'эслы шунит дйсь лэстын понна 37 килограмм ыжгон но 30 ыжку люказы, 2 пара носки, 8 пара пöзь но мукет подарок'эс дасязы.

Понинской сельсоветысь „Красные орлы“ колхоз 41 килограмм ыжгон но 35 ыжку люказы ни. Та сельсоветысь ик „Восход“ колхоз 23,5 килограмм ыжгон но 23 ыжку люказы. Боец'эслы подарок'эс люкан ялам мынэ.

ВКП(б) райкомысь ужасьэс —8 подушка пуйы, 9 чушкон, 3 шуныт фуфайка, 2 брюки, шапкаос, простыняос но мукет подаркоос люкало. Та нунал'эсы подарок'эсты люкан мынэ на.

Райпонысь ужасьэс 20 подушка пуйы, 20 чушкон, 20 простыня, 5 тюфячной подушка пуйы, 4 фуфайка но трос мукет подарок'эс боец'эслы дасязы ни. Районамы Красной Армилен боец'эслы подаркоосгы люкан нунал будэ.

Ю октон-калтонзэс быдэстйзы

Богатырский сельсоветысь „Красный пахарь“ колхоз ю октон-калтонзэ быдэстйз.

Али колхозын вань ужась кужым кутсаськонэ но государствоы ни нянь сдать каронэ переключить каремын. Колхозын озы ик кын улэ гырон но мынэ.

Богданов.

МИ СОЕ УМ ВУНЭТЭ

Гитлеровской войскаосын огдырлы бастэм район'эсын мирной ужасьэсын фашистской варвар'эслэн насилыоссы сярысь, котыкуд нунал, ялам выль но выль ивор'эс вуо. Советской гражданин'эс, куд'эсы фашистской адьсь мазмытскемын, гитлеровской адями сиисьэслэн чудовищной злодеяниоссы сярысь рассказывать карэ. Та ввор'эсты кылыса котыкуд советской патриотлэн сюлмаз священной ненавистьлэн тылыз улэ. Нош котыкудйз, кылы асьме родинамы дуно, кыл сётэ—вань кужымзэс адзонтэм туммонэн жульськонэ, сётыны, жаламзэс валатэк туммзэ беркытны асьме калыклэн вирзы но кулэмзы понна.

Советской калык уз буйгатскы со дырозь, ку фашист'эс уз беркытэ ас сөбд вирзэс асьме калыклэн вирез понна.

Тумнэ ми печатать кариськомы со калык'эслэсь гожтэт'эссэс, куд'эсыз кыж пидо сөбсьэслэсь преступлениоссэс аддизы. Котыкудйз кыл, котыкудйз строка туммен беркытны оте. Кулон фашистской бандит'эслы Одыгэлы но фашистлы муз'ем вылын улон ум сётэ!

1. Мон ули Брестын. Фашистской стервятник'эсын улэйтэм городысь пегзыку, город пушкысь, пограничник'эслэн формаенызы дйськэм калыкез мон адзи. Сюлэм шумпотыса жугиськыны одыяз: аслам'эс! Нош шумпотонэ токма луиз. Таос дйсьсэс воштэм фашист'эс вылиллям.

Мон адзи, кызы вож кар тузэн фашист доры бёрдыса пичи пинал мынйз. Та мумызэ ыштэм шуса малпаны луэ, нош та советской боецлэн формаеныз дйськэм муртлэсь, со защита шедьтыны малпа вал. Пиналмурт пичи киоссэ азыпала мычиз...

Мар вал собере? Соку ик голик мугоро пиналмурт фашистлэн лэчыт шыкыз йылэ жутскыз. Пинал шёбэз изверг жутскем мылкыдын аслаз йыр вадсаз сезыяз. Со минутэ, мон эччэ валай, мар со сычэ фашизм?

Командирлэн кышнозэ—Зейко

2. Мон Гродно городын вал. Кычэ та шукрес умой, сясыкаяськись, советской город вал. Фашист'эс тае сплошной развалинаосы пормытйзы. Вань еврейэсты, городысь кошкыны вуымтэоссэ фашист'эс ыбылйзы, вандылйзы но курадзытылйзы. Гитлеровской

бандит'эс вань ныл'эсты но егат кышноосты, соосты мыскыллян но курадзытон понна, кутылон организовать каризы. 14 нунал мон туммонлэн фронт мышказ ули, ортчи фашист'эсын бастэм дас селостй, нош котыкытысь но сюлэмез кесямон пинал бёрдэ мез, нылкышнооспэсь но пересь белорус'эслэсь курадземзэс адзёно луэ.

Сосьэс музэн еврейэсын расправиться кариськэм безразы, котыкуд селэын фашист'эс грабить каро на. Фашист'эслэсь сьод уж'эссылэсь бервылзэс, мон котыкытысь адзи.

Фашистский офицер белорусской крестьянкалэсь чоккак одйг кылем кунянзэ бастыны туртскыз. Кышномурт син вуэн офицер доры кучкыса, маке но вераны медэ вал. Палач вань кужыменыз крестьянкалэн тыбыраз прикладэн шуккыса, солэсь позвоночникэ тйяз.

П. Е. Гнездилова.

3. Пленэ бастэм унтер—офицерлэн грабить карем котыр'эсыз пöлын, фронтлэн районаз пуксэм П. селениысь 18 арес'ем советской ныллэсь М. Екатериналэн виресь паспортэз шедьтэмын вал. Интйын допрос но проверка лэстытуку кровавой произволлэн кышкыт картинаез шараямын,

куд'эссэ немецкий фашист'эс соосын бастэм территория вылын ортыто.

Со 21 тй июле вал. Бандит'эс селение чуртнаськыса советской гражданин'эслэсь вань котырзэс грабить карыса, жаламзэс валатэк активист'эсын расправиться кариськызы. Собере одйгез кылытэк юыны кутскизы: фашист'эслэн дикой ордазы, кооперативысь поттэм винаез куалькызы.

Та вор'эслэн но адями вылысьэслэн бандазы, уйшорэ гуртэти велгыны кутскизы. Сёкыт сөсырмем'эсты уялтон понна, селое кылем акушеркаез М. Екатеринаез, таос больницаысь шедьтиллям. Унтер-офицер (кудйиз асьме доры пленэ шедиз) но немецкий солдат, документ'эссэ эскерон улсын нылэз кырмыса, комендатурае нуизы. Нюлэс дурын та вир юись пуныос, советский нылэн номырлы лэсьянтэм мыскылляськызы. Со вань кужыменыз ассэ возманы туртскиз, нош жугиськон кужым одйг кадь ой вал. Бандит'эс сое эриктэмазы, собере ыбызы, нош шойзэ татысь нюлэскы ик куштйзы.

Батальонной комиссар—М. Токарев.

4. М. местечко дорын трос час чоже лек жугиськон мынэ ни вал. Сёкыт сөсырмем красноармеец'эсты, татысь

эвакуировать каремлэсь азыло соосты пичигес хуторысь одйгаз корка ин'яно луиз.

Немецкой солдат'эслэн группызы, вор'эс сямен хутор доры вуткыса, коркаез котыртызы. Немец'эс умой аддизы, кин татын вань. Коричневой шакал'эс корка чуртнаськыса вичаксэ сөсырмем'эсты подряд пуртэн вандылыны кутскизы. Тросэзлы соос ымазы, яке синмазы но пелызы патрон'эсын обоймаосты туллялязы.

Военврач—Дорягина.

5. Туж лек жугиськон бырне бере Красной Армилен воин'эсыз Н. высотаысь немец'эсты кутйзы. Та высотаын сьоб музэн курадзытэм сөсырмем красноармеец'эслэсь но командир'эслэсь шойсэссэ шедьтэмын вал, таос шоры учкыса, нокузыны но оскыны уг луы, что таос адямиен озы лэстытын Одыгэзлэн пельёсыз вандылмын, мукетызлэн бур кысытыз вань чиньыосыз чогылмын, нош куйныметйезлэн син'эсыз бычкылымын вал. Сөсырмем красноармеецез Небосенкоез но младший сержантэз Перекрестэз курадзытыны вуымтээн, фашист'эс шыкыен бычкызы.

Старший политрук Чистяков.

Отв. редактор П. Алексеев.